



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 13. Florentini Savonarollæ insensi.

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

secedens, quam a Rege pæter alias di- Sæcul. XV.
A.C. 1498.
tiones ad sustentationem acceperat, ibi-
dem reliquos vitæ dies ad omnem virtu-
tis legem transegit, simulque Annuntia-
tarum Ordinem instituit, cujus religiosæ
Virgines a Genuensibus rubri scapularis
veste discernuntur; anno vero Domini mil-
lesimo quingentesimo primo illa novi hu-
jus institui confirmationem ab Alexandro
VI. impetravit: præterea Bituricensis
Academiæ Collegium condidit.

§. XIII.

Florentini Savonarollæ inferfi.

Hucusque Florentini Savonarollam tan- *Guic. hist.
Ital. lib. 3.
Raynald. an.
1497 n. 15.
& seq.*
quam virum mira sanctitate prædi-
tum, ac Prophetam a Spiritu S. afflatum
venerabantur, eumque nihil sine divini
luminis illustratione aggredi credebant;
nunc vero derepente amplam adeo de
ejus sanctitate opinionem abjiciunt, ac
demum implacabili etiam odio illum in-
sectantur; tam subitæ mutationis causa
hæc erat: Cum Petrus Medicæus au-
ctore Ludovico Sfortia Florentiam recu-
perare frustra tentasset, Petri Fautores,
quos ad exequenda ejus consilia in urbe
selectos habebat, capti, ac extremo sup-
plicio affecti fuere, ne vero populus se-
ditionem conflaret, capitalis poenæ sen-
tentia concubia nocte effectui dabatur,
P 5 præ-

Sæcul. XV.
A.C. 1498.

præpropera adeo festinatione, ut reorum propinquis appellandi spacium præriperetur, non sine gravissimo publicæ libertatis vulnere. Ipse quoque Savonarolla paulo antea legem sanciebat tantæ violentiæ oppido adversam: Nihilominus iidem, qui olim illius erant Amici, principales hujus cædis auctores exstiterant, & quamvis ipse in hoc scelere partem habuisse, convinci non posset, eidem tamen crimini datum est, quod reos a tam severa sententia non cohibuisset, quæ de causa plurimum de illius existimatione detractum fuit. Accessit etiam Ludovici Sfortiæ æmulatio, qui amplæ, quam Religiosus ille apud Rempublicam sibi conciliaverat, auctoritatis inimicus, nullum non movebat lapidem, ut opera Cardinalis Ascanii fratris sui summum Pontificem in Savonarollam concitaret, unde etiam quemdam Franciscanum clam Florentiam mittebat, qui contra hujus viros ejusque sermones palam declamaret: Pari quoque studio alii nonnulli Religiosi in eum invehebantur. Savonarolla hæc omnia nihilo minus moratus, pro more suo populum singulis diebus ad vitæ correctionem adhortabatur, liberiusque Principum, ac Romanæ curiæ fastum carpebat, suæque patriæ libertatem contra quascunque factiones illi inimicas strenue tuebatur. Ceterum quam effi-

efficax fuerit sacra Savonarollæ eloquen- Sæcul. XV.
A.C. 1498.
tia, luculento testantur argumento miræ
conversiones Marsilii Ficini Canonici Flo-
rentini, Nicolai Chamberti Nobilis Ger-
mani, quem is sacro Ordinis sui habitu in-
duit, cum pluribus aliis, qui facta re-
sipiscentis animi proposito idem institu-
tum professi sunt.

§. XIV.

*Savonarolla coram Pontifice ab ejus
inimicis accusatus.*

Tanta tamen erat in eum hostium Naucler.
chron. vol. 3.
gen. 50. pag.
513.
suorum invidia, ut in ejus interitum
jurantes, quadam die e suggestu dicen-
tem occidere tentarent, nec non illum
apud Pontificem accusarent, ac velut se- P. Quetif. in
vita Hier.
Savon.
Com. lib. 8.
cap. 19.
ditiosas, falsasque doctrinas populo an-
nunciantem criminarentur. Hanc in rem
quamdam ejusdem concionem ad Papam
transmittunt, in qua luxum, & Cleri
præcipue Romani licentiam vehementius
insectabatur. Alexander, cum Viro pa-
rum propensus, ac aliunde edoctus esset,
quod Savonarolla literas dedisset ad Im-
peratorem, & Franciæ, Hispaniæ, Lu-
sitanæ, atque Angliæ Reges, eosque in-
duxisset, ut disciplinam tam in Capite,
quam in membris restaurari, ac Syno-
dum generalem congregari postularent;
his acrius in eum ira commotus, Savon-
narol-